

Un astenn Internet evit Breizh  
Une extension Internet pour la Bretagne  
An Internet top-level for Brittany



- sevenadur • ekonomiezh • yezhoù • teknologiezhioù •
- culture • économie • langues • technologies •

Raktres skoazellet gant





## .bzh: ar raktres

Er bloaz 2004 e oa bet roet lañs, gant Christian Ménard, kannad eus Penn-ar-Bed, d'ar soñj sevel un **astenn kenrouedad .bzh**. A-drugarez d'ar sinadeg aozet gant lec'hienn Mikael Bodlore-Penlaez Geobreizh.com ez eus bet roet ul lusk kentañ d'ar mennozh (ouzhpenn 10 000 sinadur dindan un nebeud mizioù). Goude-se **o deus votet meur a strollegezh lec'hel mennadoù a-du gant ar raktres**. A-unvouezh o deus roet Kuzul-meur Il-ha-Gwilen (14 a viz Ebrel 2006), Kuzul rannvro Breizh (14 a viz Mezheven 2006), Kuzul-meur Penn-ar-Bed (15 a viz Mezheven 2006) o harp da groudigezh an astenn **.bzh**.

E 2007 en deus karget Kuzul rannvro Breizh ar gevredigezh Breizh Diawel da gas da benn ur studiadenn greüsted hag ivez aozañ ul luskadeg en-dro d'ar raktres. Goude ar studiadenn-mañ e oa bet krouet ur gevredigezh nevez (d'ar 16 a viz Gouere 2008), dindan renerezh ur poellgor sturiant gant an holl re o doa kemeret perzh e brudañ ar **.bzh**, evit dougen kinnig Breizh da gaout hec'h astenn kenrouedad. Karget eo eta **ar gevredigezh www.bzh** da **sevel an teuliad emginnig, dastum an arc'hant** ret evit ma vo degemeret an teuliad-se ha **brudañ ar .bzh** e-mesk kumuniezh ar Vretoned. Goude ma vo bet degemeret an teuliad gant Icann **he deus da bal ar gevredigezh www.bzh dont da vezañ ar "marilh" ha da zont da vezañ mererez an astenn**.

**Harp en deus bet ar raktres .bzh digant pennoù-bras politikel a bep seurt** (Nicolas Sarkozy, Jean-Yves Le Drian, François Fillon...), hag en o zouez emañ ivez ar vinistred bet e-karg eus an ekonomiezh niverel (Nathalie Kosciusko-Morizet, Éric Besson). E 2008 he deus bet ar gevredigezh **ur skoazell-arc'hant gant Kuzul rannvro Breizh, Ministrerezh ar Sevenadur, Kemper Kumuniezh, Departamant al Liger-Atlantel** hag ivez skodenn hec'h izili (300). Digor eo d'an holl, hiniennoù pe aozadurioù disklêriet, a-du gant krouidigezh ar **.bzh**.

Berzh en deus graet ar soñj ha degemeret eus ar gwellañ. Evit ar poent he deus tapet **ar sinadeg kaout en tu-hont da 20 000 a dud**. Kement ha diskouez ar c'hemm, e weler ez eus un tammig en tu-hont da 2 000 harp evit an eil raktres gall kaset ar pellañ, ar **.paris**.

## Evit piv e vo ar .bzh ?

Graet eo ar **.bzh** evit kement tudelezh fizik pe moral a c'hall prouiñ emañ he chomlec'h post en unan eus pemp departamant Breizh. Graet eo ivez evit an tudelezhioù fizik pe moral ha n'emaint ket e Breizh met a zo mennet da ziskouez ez int tomm ouzh Breizh, d'he yezh ha d'he sevenadur.





# Peseurt mad evit Breizh?

Graet eo an astenn *.bzh* evit talvoudekaat ha **diskouez gwelloc'h ar pezh a vez graet e Breizh war dachenn an ekonomiezh, ar gevredigezh, ar sevenadur**. Awenet eo bet ar raktres gant ar berzh a zo gant ar *.cat* katalan (50 000 anv domani gwerzhet abaoe 2006) hag **ar vad a c'hall** dont diwar kement-se.

**1** Krouidigezh un astenn generek a ya **gant un diawelenn kas war-raok teknologiezhioù ar c'helaouiñ hag ar c'hehentiñ (TKK)** dre vras hag an traoù internet ent-strizh. Emeur aze gant ar gennad eus ekonomiezh ar bed a ya ar muiañ war-raok hag a ra bremañ 25% eus ar c'hresk bed. Emañ an anvioù domani e-barzh ar c'hresk-se eus an TKK (an embregerezhioù bihan ha krenn a ya e-barzh jeu dre sevel lec'hiennoù Internet da skouer hag anat eo, enskrivadur un anv domani da heul). Ober gant un anv domani *.bzh* a zo ober **gant ur benveg a roy tro d'ober gwelloc'h e dreuz e bed da zont an Internet**. Gant krouidigezh un astenn e c'hall ar re a gas an traoù en-dro er vro da gaout ur plas strategik e-barzh ensavioù an Icanh ha da gemer perzh eta en tredegadoù war emdroadur Internet.

**2** An astennoù nevez o devo **un efed war ar c'hefluskerioù enklask** (da skouer: al lec'hiennoù o deus d'ober gant Breizh a vo daveet gwelloc'h ma'z eus ganto un astenn *.bzh*). Gwelet e vezo gwelloc'h lec'hiennoù Breizh gant an tuioù mat a ya da heul pa vezer o klask en-linenn.

**3** Gant an astennoù Internet nevez e vo gallet **diorren servijoù tost nevez** (da sk. *bagoù.bzh*; *otelioù.bzh*, h.a.), hag ivez kehenterezh primoc'h (ar re a bled gant an touristerezh, ar re a brodu traoù ar vro, hag ivez an embregerezhioù hag an ensavadurioù graet evit ar Vretoned).

**4** Ur youl a zo ivez gant ar *.bzh*, **stourm a-enep an troc'h niverel**. Da heul lañs ar *.bzh* e vo tud nevez oc'h ober gant an TKK (hiniannoù pe embregerezhioù) gant un "efed bezañ nes" evel ma'z eo bet gwelet ar *.cat* (tost d'un drederenn a implijerien nevez). Un darn eus gounid ar raktres a yelo da gas war-raok an ober gant ar rouedad war al lec'h hag e-touez ar re a zo manet war-lerc'h.

**5** **Diskouez Breizh hag ur benveg kaer evit hec'h identelezh sevenadurel ha yezhel**: ur merk talvoudus-dreist evit evit an holl e Breizh e vo ar *.bzh* p'emañ o klask bezañ un "douar TKK"... Gwelet e vo Breizh e-touez an tiriadoù o deus gallet en em ziskouez er bed niverel hag ober o mad eus al lanvad krouiñ astennoù nevez war ar 500-1 500 raktres gortozet, evel strollegezhioù all (*.paris*, *.corsica*, *.aquitaine*...). Ur perzh bras en devo evit skeudenn ha brud vat Breizh. Ouzhpenn-se e tapo ar raktres-se bezañ a-live gant raktresoù sevenadurel ha yezhel all (Galiza, Skos, Kembre, Bro-Vask). Luskerien ar *.bzh* o deus c'hoant da reiñ da Vreizh ur benveg nevez evit ma c'hall kaout un identelezh modern ha leun a startijenn.



# Evit gouzout hiroc'h



## Astenn sevenadur hag ar yezh

Soñj ar “sevenadur hag ar yezh” a zo an astenn a zo sevenadurel ha yezhel. **Unan eus tuioù an teuliad kinnig a vo degaset d’an Icann** a-raok an 12 a viz Ebrel 2012.

Gant se e c’haller mont pelloc’h eget ar framm douaroniel hag ensavadurel strizh (tud ha kevredadoù rannvro Breizh), **brasoc’h eo an dachenn**: tud al Liger-Atlantel, ar re o deus un eil ti e Breizh pe a zeu allies betek eno, Bretoned an diavaez... Neuze ‘ta e c’hallo al lec’hiennoù .bzh bezañ e kement yezh a zo evit ober anv eus traoù hag o deus da welet gant Breizh: ar sevenadur, ar yezhoù. An dud n’emaint ket o chom e Breizh a c’hallo diskouez eo tomm o c’halon outi dre bleidiñ gant ar sevenadur hag ar yezh en ur ster ledan. Dre he doare da vezañ ha da welet an traoù ez a ar gevredigezh **gant ar youl da zemokratekaat ha da gas war-raok al liested** war ar rouedad.

## Penaos e vo meret ar .bzh?

Goude ma vo bet degemeret an teuliad gant Icann **he deus da bal ar gevredigezh www.bzh dont da vezañ ar “marilh” ha da zont da vezañ mererez an astenn.**

**Digor eo da gement den, da gement embregerezh hag ensavadur** o deus da welet gant an dra. Mennet eo da vezañ kannadez “kumuniezh Breizh” hag evit se eo aozet en-dro da vodadoù enno ar seurtoù implijerien disheñvel eus ar .bzh (bed ekonomikel, strollegezhioù, kevredigezhioù, hiniennoù, h.a.). **Da bal ez eus ganti bezañ yac’h evit a sell ar merañ, met he fal n’eo ket gounit arc’hant hag ar gounid a zistroio d’ar gumuniezh** (digreskiñ ar prizioù hervez ampled an enskrivadurioù, kas war-raok implij ar rouedad e Breizh ha liested ar yezhoù hag ar sevenadurioù).

## Deiziataer ar raktres

- 20 a viz Even 2011
- Miz Gwengolo 2012
- **Miz Genver - Miz Ebrel 2012**
- Fin miz Ebrel 2012
- Miz Ebrel - Miz Du 2012
- Miz Du 2012
- **Miz Ebrel / Miz Du 2013**

Goude un hir a c’hortoz ez eo bet roet lañs gant an Icann, d’an 20 a viz Mezheven 2011, hag ent-ofisiel, d’ar argerzh evit an astennoù nevez ha roet da c’houzout an deiziataer a yae da heul.

Lañs argerzh an astennoù nevez

Kabal kehentiñ er bed

**Fiziad an teuliadoù emstrivañ**

Embannadur an emstriverien gant an Icann

Studi an emstrivadennoù

Disoc’h an dewezerezh ha lakaat an astennoù nevez er gwriz internet

**Enskrivadurioù kentañ gortozet e .bzh**



**Kevredigezh www.bzh**  
140 bali Krec’h Gwenn  
29561 KEMPER CEDEX 9  
Breizh / Frañs

**Association www.bzh**  
140 boulevard de Creac’h Gwen  
29561 QUIMPER CEDEX 9  
Bretagne / France

Tél./Plg + 33 (0)2 98 82 87 78  
Mob./Hzg +33 (0)6 08 68 65 95

[www.pointbzh.com](http://www.pointbzh.com)